



卷五十三

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷五十三
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

蕭相國世家第二十三

史記五十三

蕭相國何者沛豐人也

索隱曰春秋緯蕭何感昂精而生典獄制

律以文無害

漢書音義曰文無害有文無所枉害也律有無害都吏如今言

公平吏一曰無害者如言無比陳留間語也

○索隱曰裴註已列數家今更引二說應劭云雖為吏而不刻害韋昭

云為有文理無傷害也為沛主吏掾曰漢書云何為主吏主吏功曹也又高祖為布衣

時何數以吏事護高祖索隱曰說文高祖為

亭長常左右之高祖以吏繇咸陽吏皆送奉

錢三何獨以五

李奇曰或三百或五百也○索隱曰奉音扶用反謂資俸

之如字讀謂奉送之也劉氏云時秦御史監

郡者與從事常辨之張晏曰何與共事脩辨

曰辟何與從事也秦時無刺史以御史監郡

○索隱曰何與御史從事常辨明言稱職也

何乃給泗水卒史徐廣曰沛縣有泗水亭又

穎曰何為泗水郡卒史○索隱曰如淳事第

按律郡卒史書佐各十人也卒祖忽反一索隱曰謂課秦御史欲入言徵何何固請

得毋行及高祖起為沛公何常為丞督事索隱

日謂高祖起沛令何沛公至咸陽諸將皆爭

為丞常監督庶事也沛公至咸陽諸將皆爭

走金帛財物之府分之索隱曰走音奏何獨

先入收秦丞相御史律令圖書藏之沛公為

漢王以何為丞相項王與諸侯屠燒咸陽而

去漢王所以具知天下阨塞戶口多少疆弱

之處民所疾苦者以何具得秦圖書也何進

言韓信漢王以信為大將軍語在淮陰侯事

中漢王引兵東定三秦何以丞相留收巴蜀



填撫諭告使給軍食漢二年漢王與諸侯擊

楚何守關中侍太子治櫟陽為法令約束立

宗廟社稷宮室縣邑輒奏上可許以從事即

不及奏上輒以便宜施行上來以聞應劭曰

乃以所關中事計戶口轉漕給軍索隱曰轉

為聞之劉氏音張漢王數失軍遁去何常興關中卒輒

補缺上以此專屬任何關中事漢三年漢王

與項羽相距京索之間上數使使勞苦丞相

鮑生謂丞相曰主纍衣露蓋數使使勞苦君者有疑君心也為君計莫若遣君子孫昆弟能勝兵者悉詣軍所上必益信君於是何從其計漢王大說漢五年既殺項羽定天下論功行封羣臣爭功歲餘功不決高祖以蕭何功最盛封為鄼侯

文穎曰音贊贊曰今南陽鄼縣也孫檢曰有二縣音

字多亂其屬沛郡者音嵯屬南陽者音贊案茂陵書蕭何國在南陽宜呼贊今多呼嵯嵯舊字作鄼今皆作鄼所由亂也○索隱曰贊云今南陽鄼縣顧氏云南陽郡名地理志云

魏武帝建安中分南陽立南鄉郡晉武帝改曰順陽郡是也所食邑多功

臣皆曰臣等身被堅執銳多者百餘戰少者數十合攻城略地大小各有差今蕭何未嘗有汗馬之勞徒持文墨議論不戰顧反居臣等上何也高帝曰諸君知獵乎曰知之知獵狗乎曰知之高帝曰夫獵追殺獸兔者狗也而發蹤指示獸處者人也今諸君徒能得走獸耳功狗也至如蕭何發蹤指示功人也且

諸君獨以身隨我多者兩三人今蕭何舉宗數十人皆隨我功不可忘也羣臣皆莫敢言列侯畢已受封及奏位次皆曰平陽侯曹參身被七十創攻城略地功最多宜第一上已撓功臣多封蕭何應劭曰撓屈也○索隱曰音女教反至位次未有以復難之然心欲何第一關內侯鄂君進曰索隱曰功臣表鄂千秋封安平侯羣臣議皆誤夫曹參雖有野戰略地之功此特一時之事夫上與

楚相距五歲常失軍亡衆逃身遁者數矣然蕭何常從關中遣軍補其處非上所詔令召而數萬衆會上之乏絕者數矣夫漢與楚相守滎陽數年軍無見糧蕭何轉漕關中給食不乏陛下雖數亡山東蕭何常全關中以待陛下此萬世之功也今雖亡曹參等百數何缺於漢漢得之不必待以全奈何欲以一旦之功而加萬世之功哉蕭何第一曹參次之

高祖曰善於是乃令蕭何賜帶劔履上殿入朝不趨上曰吾聞進賢受上賞蕭何功雖高得鄂君乃益明於是因鄂君故所食關內侯邑封為安平侯

徐廣曰以謁者從定諸侯有功秩舉蕭何功故因侯二千

戶封九年卒至玄孫但坐與淮南王安通棄市國除○正義曰括地志云澤州安平縣本

漢安是日悉封何父子兄弟十餘人皆有食

邑乃益封何二千戶以帝嘗繇咸陽時何送

我獨贏奉錢二也

索隱曰謂人皆三何獨漢五所以為贏二也音盈

十一年陳豨反高祖自將至邯鄲未罷淮陰侯謀反關中呂后用蕭何計誅淮陰侯語在淮陰事中上已聞淮陰侯誅使使拜丞相何為相國益封五千戶令率五百人一都尉為相國衛諸君皆賀召平獨吊召平者故秦東陵侯秦破為布衣貧種瓜於長安城東瓜美故世俗謂之東陵瓜從召平以為名也召平謂相國曰禍自此始矣上暴露於外而君守

於中非被矢石之事而益君封置衛者以今者淮陰侯新反於中疑君心矣夫置衛衛君非以寵君也願君讓封勿受悉以家私財佐軍則上心說相國從其計高帝乃大喜漢十二年秋黥布反上自將擊之數使使問相國何為相國為上在軍乃拊循勉力百姓悉以所有佐軍如陳豨時客有說相國曰君滅族不久矣夫君位為相國功第一可復加哉然

君初入關中得百姓心十餘年矣皆附君常復孳孳得民和上所為數問君者畏君傾動

關中今君胡不多買田地賤貫

正義曰貫音世又食

夜反賒也以自汗上心乃安於是相國從其

計上乃大說上罷布軍歸民道遮行上書言

相國賤彊買民田宅數千萬上至相國謁上

笑曰夫相國乃利民

索隱曰謂相國取人田宅以為己利故云乃利

人也所以令民所上書皆以與相國曰君自相國自謝之

謝民相國因為民請曰長安地狹上林中多

空地棄頽令民得入田毋收稟為禽獸食索隱

日苗子還種田人留稟入宮上大怒曰相國多受賈人財

物乃為請吾苑乃下相國廷尉械繫之數日

王衛尉侍如淳曰百官公卿表前問曰相國

何大罪陛下繫之暴也上曰吾聞李斯相秦

皇帝有善歸主有惡自與今相國多受賈豎

金而為民請吾苑以自媚於民故繫治之王

衛尉曰夫職事苟有便於民而請之真宰相

事陛下奈何乃疑相國受賈人錢乎且陛下

距楚數歲陳豨黥布反陛下自將而往當是

時相國守關中搖足則關以西非陛下有也

相國不以此時為利今乃利賈人之金乎且

秦以不聞其過亡天下李斯之分過索隱曰

惡而自予又何足法哉陛下何疑宰相之淺

也韋昭曰高帝不憚是日使使持節赦出相

用意淺

國相國年老素恭謹又徒跣謝高帝曰相國
休矣相國為民請死吾不許我不過為桀紂
主而相國為賢相吾故繫相國欲令百姓聞
吾過也何素不與曹參相能及何病孝惠自
臨視相國病因問曰君即百歲後誰可代君
者對曰知臣莫如主孝惠曰曹參何如何頓
首曰帝得之矣臣死不恨矣何置田宅必居
窮處為家不治垣屋曰後世賢師吾儉不賢

母為勢家所奪孝惠二年相國何卒

東觀漢記云蕭

何墓在長陵東司馬門道北百步○正義曰括地志云蕭何墓在雍州咸陽縣東北三十

七里謚為文終侯徐廣曰功臣表蕭後嗣以罪失侯者四世絕天子輒復求何後封續鄼侯功臣莫得比焉

太史公曰蕭相國何於秦時為刀筆吏錄錄

未有奇節索隱曰及漢興依日月之末光何

謹守管籥因民之疾秦法順流與之更始淮陰黥布等皆以誅滅而何之勲爛焉位冠群

臣聲施後世與閔天散宜生等爭烈矣

索隱述贊曰

蕭何為吏 文而無害 及佐興王

舉宗從沛 關中既守 轉輸是賴

漢軍屢疲 秦兵必會 約法可久

收圖可大 指獸發蹤 其功實最

政稱畫一 居乃非秦 繼絕寵勤

式旌礪帶

蕭相國世家第二十三 史記五十三





不 許 複 製
NOT TO BE REPRODUCED
東京大学東洋文化研究所